



Na osnovu člana 22.stav 2. Zakona o izvršavanju Budžeta Kantona Sarajevo i Uredbe o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo („Službene novine Kantona Sarajevo“ br: 33/11), Ministarstvo prostornog uređenja i zaštite okoliša objavljuje

JAVNI POZIV

za prikupljanje zahtjeva udruženja i nevladinih organizacija za dodjelu sredstava za finansiranje projekata iz oblasti zaštite okoliša iz Budžeta Kantona Sarajevo za 2013. godinu

PREDMET JAVNOG POZIVA:

Predmet javnog poziva je prikupljanje zahtjeva udruženja i nevladinih organizacija iz oblasti zaštite okoliša, za finansiranje projekata redukcije otpada u cilju obilježavanja Evropske sedmice za redukciju otpada (EWWR). Javni poziv se upućuje radi obezbjeđenja finansijske podrške iz sredstava Budžeta Kantona Sarajevo za 2013.godinu sa pozicije Ministarstva prostornog uređenja i zaštite okoliša.

Evropska sedmica za smanjenje otpada je akcija koju obilježavaju države širom Evrope s ciljem:

- Jačanja svijesti o potrebi smanjenja otpada u evropskim državama.
- Promocije različitih aktivnosti usmjerenih na smanjenje otpada širom Evrope kako bi se postigla trajna promjena svijesti stanovništva.

Ministarstvo prostornog uređenja i zaštite okoliša Kantona Sarajevo je službeni partner u realizaciji Evropske sedmice za smanjenje otpada koja će se održati od 17. – 25. novembra 2013.g. Bosna i Hercegovina je već dvije godine, putem Kantona Sarajevo, uključena u mrežu evropskih država, koje tradicionalno različitim aktivnostima djeluju na smanjenju otpada.

Nevladine organizacije se ovim putem pozivaju da prijave svoje projekte i akcije, te se priključe realizaciji Evropske sedmice za smanjenje otpada u 2013. godini. Više informacija o EWWR na <http://www.ewwr.eu/>.

PRAVO UČEŠĆA:

Pravo učešća imaju neprofitne organizacije i udruženja:

- koja su registrovana u oblasti zaštite okoliša (u Rješenju o registraciji i/ili Statutu udruženja jedan od ciljeva mora biti zaštita okoliša)
- koji ispunjavaju opšte i posebne kriterije iz Uredbe,
- čija aktivnost, programi i projekti nisu vezani za oblasti iz nadležnosti drugih ministarstava (obrazovanja i nauke; kulture i sporta; rada, socijalne politike, raseljenih lica i izbjeglica; zdravstva; saobraćaja; boračke zaštite; stambenih poslova; privrede i zaštite od požara).



KRITERIJI ZA UČESTVOVANJE:

Opšti kriteriji:

- a) registracija udruženja na bilo kojem nivou vlasti u Bosni i Hercegovini;
- b) realizacija projekata udruženja koji su od interesa za građane Kantona Sarajevo ili doprinose razvoju i afirmaciji Kantona i provode se na području Kantona Sarajevo;
- c) ekonomska ili društvena opravdanost projekta koje udruženje predlaže i sprovodi;
- d) program rada za 2013.godinu sa obrazloženjem;
- e) finansijski plan za 2013.godinu;
- f) izvještaj o urednom finansijskom poslovanju (bilans stanja, bilans uspjeha i narativni izvještaj za prethodnu godinu);
- g) finansijski izvještaj o utrošku sredstava za projekte odobrene u prethodnoj godini;
- h) organiziranost i broj članova udruženja;
- i) broj lica koja učestvuju u realizaciji projekta;
- j) specifičnost potreba članova udruženja, odnosno populacije koju zastupaju;
- k) rezultati i uspjesi na kantonalmom, federalnom, državnom i međunarodnom nivou, odnosno broj korisnika obuhvaćenih projektom.

Posebni kriteriji:

Posebni kriteriji su definisani u članu 5. stav 1 Uredbe (oblast zaštite okoliša).

Projekti i programi koji će imati prednost za dodjelu sredstava, trebaju da budu usmjereni na slijedeće:

- Sprječavanje proizvodnje otpada, uključujući i proces ponovne upotrebe ili produženog vijeka trajanja proizvoda.
- Smanjenje štetnog djelovanja otpada na okoliš i ljudsko zdravlje, kao i sadržaja štetnih tvari u materijalima i proizvodima.

Projekti treba da se uklope u ciljeve EWWR-a i da adresiraju jednu ili više dole navedenih tema:

- *Previše otpada:* konkretne akcije podizanja javne svijesti koje demonstriraju smanjenje otpada i kojima se ostvaruje doprinos u oblasti zaštite okoliša, te socio-ekonomskom smislu.
- *Bolja proizvodnja:* akcije kojima se poduzimaju mjere za smanjenje proizvodnje otpada (uključujući uredski otpad), integracije koncepta prevencije stvaranja otpada u proizvodnom procesu (sastav materijala, vrste i količine ambalaže i sl.), kao i u svim ostalima koracima proizvodnje.
- *Bolja potrošnja:* Akcije kojima se promoviraju odgovorne potrošačke navike (izbor ekodizajniranih proizvoda s eko-oznacom, iznajmljivanje umjesto kupovine i sl.)
- *Duži vijek trajanja proizvoda:* Akcije kojima se promovira upotreba repariranih ili proizvoda sa dužim rokom upotrebe.
- *Bacati manje otpada:* konkretne i mjerljive akcije koje demonstriraju mogućnosti ponovne upotrebe otpada u svakodnevnom životu (izrada korisnih predmeta od otpadnog materijala, kompostiranje i sl.) .

Rezultati svih aktivnosti moraju biti jasni i mjerljivi.

Izveštaji o postignutim smanjenjima proizvodnje otpada se na kraju akcije dostavljaju Ministarstvu prostornog uređenja i zaštite okoliša Kantona Sarajevo.



web: <http://mpz.ks.gov.ba>

e-mail: mpz@mpz.ks.gov.ba

Tel: + 387 (0) 33 562-086, Fax: + 387 (0) 33 562-177

Sarajevo, Reisa Džemaludina Čauševića 1



Dokumentacija koja se treba dostaviti prilikom prijave projekata:

1. Popunjen obrazac broj 7.3-02-01/01 za aplikaciju za finansiranje/sufinansiranje projekta, a koji se nalazi na web strani Kantona Sarajevo ili se direktno može preuzeti u šalter sali Kantona Sarajevo, R.DŽ.Čauševića br.1;
2. Rješenje o registraciji;
3. Program rada za 2013.godinu;
4. Finasijski plan za 2013.godinu;
5. Finasijski izvještaj za projekte odobrene u 2012.godini;
6. Ovjereni i potpisani izjava odgovornog lica o ekonomskoj i društvenoj opravdanosti projekta koje udruženje predlaže;
7. Ovjereni i potpisani izjava odgovornog lica o organizovanosti i broju članova udruženja;
8. Ovjereni i potpisani izjava odgovornog lica o broju lica koja učestvuju u realizaciji projekta;
9. Ovjereni i potpisani izjava odgovornog lica o rezultatima i uspjesima na kantonalnom, federalnom, državnom i međunarodnom nivou, odnosno broju korisnika koji su obuhvaćeni projektom;
10. Uvjerenje o poreskoj registraciji – identifikacioni broj;
11. Potvrda od porezne uprave i PIO/MIO ne starija od tri mjeseca da udruženje nema neizmirenim poreskih obaveza i doprinosa za zaposlene (ukoliko udruženje ima zaposlenih), odnosno izjava odgovornog lica udruženja da nema zaposlenih (ukoliko udruženje nema zaposlenih);
12. Bilans stanja i bilansa uspjeha ovjereni od strane nadležne poreske uprave za prethodnu godinu,
13. Statut udruženja.

Kompletnu dokumentaciju, poredanu po naprijed navedenom redoslijedu, dostaviti u pisanom materijalu i na CD-u.

Svi dokumenti koji se podnose kao dokaz o ispunjavanju opštih i posebnih uslova iz ovog poziva moraju biti originalni ili ovjerene kopije.

OCJENA PRIJAVA:

Ocjenu i pripremu prijedloga rang liste projekata i programa udruženja i nevladinih organizacija pristiglih na ovaj poziv, vršiće Komisija koju će imenovati Ministar prostornog uređenja i zaštite okoliša Kantona Sarajevo.

Neće se uzeti u razmatranje prijave udruženja/organizacija:

- koji nisu dostavili narativni i finasijski izvještaj o utrošku sredstava za odobreni program ili projekte za koji su imali odobrena budžetska sredstva u prethodnom periodu,
- koja ne ispunjavaju opšte i posebne kriterije iz ovog poziva,
- čiji projekti, programi, aktivnosti nisu prijavljeni na način propisan ovim pozivom,
- čiji projekti, programi, aktivnosti imaju komercijalni ili isključivo naučno-istraživački karakter,
- čiji su projekti, programi, aktivnosti napravljeni samo u korist članova organizacije/udruženja.

PODNOŠENJE PRIJAVA:

Prijava na Javni poziv podnosi se u zatvorenoj koverti sa naznakom „Prijava na Javni poziv – ne otvaraj“, na protokol Kantona Sarajevo ili poštom na adresu:

Kanton Sarajevo
Ministarstvo prostornog uređenja i zaštite okoliša
R. DŽ. Čauševića br. 1
71000 Sarajevo

Na koverti je potrebno upisati podatke o podnosiocu zahtjeva: naziv, adresa, telefon i dr.

Rok za podnošenje prijave je 20.05.2013.godine.



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-086, Fax: + 387 (0) 33 562-177
Sarajevo, Reisa Džemaludina Čauševića 1



Nepotpune i neblagovremene prijave se neće uzeti u razmatranje.

Javni poziv i rezultati će biti objavljen i na WEB stranici Kantona Sarajevo: <http://mpz.ks.gov.ba>, u rubrici «Obavještenja».

Sve dodatne informacije mogu se dobiti putem e-mail: jasmina.zelic@mpz.ks.gov.ba



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-086, Fax: + 387 (0) 33 562-177
Sarajevo, Reisa Džemaludina Čauševića 1

